


17

14



吳地記

唐

陸廣微

著

按史記及吳越春秋自禹治水已後分定九州禹貢揚州之域吳國四至東亘滄溟西連荆郢南括越表北臨大江蓋吳國之本界也今郡在京師東南三千一百九十里當磨蝎斗牛之位列婺女星之分野從秦始皇并吞六國之後至漢順帝永建四年有山陰縣人殷重獻策于帝請分江置兩浙詔司空三襲封從錢塘江中分向東爲會稽郡向西爲吳郡至陳朝貞明元年改爲吳

州隋文帝開皇九年改郡邑至橫山東新立城郭

隋開

皇十三年

唐武德七年移新州卻復舊址升為望管鄉

七鄉一百九十四戶

本二

作千二

當三

作百六

十一 稅茶鹽酒等錢六十九萬二千八百八十五貫

七十六文

吳縣九萬九千九百六十三貫七十三

本無三字

文

長洲縣九萬八千五百七十六貫五百七十六文

嘉興縣一十七萬八千七十六貫一百二十文

崑山縣一十萬九千五百三貫七百三十八文

常熟縣九萬七百五十三貫七百七十四

本無四字

文

華亭縣七萬二千一百八十二貫四百三十一文

海鹽縣四萬六千五百八十一貫五十八文

續添

吳江縣三萬六千二百六十九貫一百文

使司割隸醬菜錢一十萬七千七百二十貫二百四

十六作八文

畱蘇州軍事醬菜衣糧等錢糧十七萬八千三百四

十九貫九十八文

當作九百二十文

學海類編 卷三
團練使軍資等三十本無十字萬六當作七千八百三十貫

文送納本無納字上都

地名甄胄水名通波城號闔閭臺曰姑蘇隩壤千里是號全吳昔周太王三子長泰伯次仲雍次季歷生子昌有聖瑞太王有疾泰伯仲雍以入山採藥乃奔吳文身斷髮示不可用以讓季歷子昌立是為西伯即文王也吳人義泰伯歸之為王泰伯三讓弟仲雍仲雍立號句吳所居地名卒葬梅里又名番麗今橫山而仲雍立仲雍生季簡季簡生釋達釋達生周章周章卒其後至壽夢始別築

城為宮室于平門西北二里基地見存自泰伯至壽夢十九

世壽夢生四子長諸樊次餘昧次季札季札賢壽夢欲立之札讓不可乃立諸樊諸樊卒吳人固立札札棄室而畊之野乃止封札延陵季子而餘祭立四年吳使季子行聘諸國餘祭卒授弟季子讓逃去餘昧之子曰僚立為諸樊之子公子光所弑在位十三年僚好炙魚非專諸炙不食諸樊之子光譖以百金令專諸進魚上僚置匕首於炙魚中刺僚死子光篡立是為闔閭王又令刺客要離袖劍殺吳公子慶忌即王僚子也季子歷三

年回聞僚被殺乃匍匐往其墳號哭于是子光謝過于
季子季子曰苟先君無廢祀民無廢主社稷有奉乃吾
君子哀死事生以待天命耳

闔閭周敬王六年伍子胥築大城周迴四十二里三十
步小城八里二百六十步陸門八以象天之八風水門
八以象地之八卦吳都賦云通門二八水道六衢是也
西閭胥二門南盤蛇二門東婁匠二門北齊平二門不
開東門者爲絕越之故也

閭門亦號破楚門吳伐楚大軍從北門出陸機詩曰閭

門勢嵯峨飛閣跨通波又孔子登山望東吳閭門歎曰
吳門有白氣如練今置曳練坊及望舒坊因此胥門本
伍子胥宅因名石碑見存出太湖等道水陸二路今陸
廢門南三里有儲城越疑作吳王貯糧處十五里有魚城
越王養魚處門西五里有越來溪

盤門古作蟠門嘗刻木作蟠龍以此鎮越人云水陸相
半沿洄屈曲故名盤門人云吳大帝蟠龍故名門內有
武烈大帝廟在祀典東北二里有後漢破虜將軍孫堅
墳又有討逆將軍孫策墳

學海類編 卷之四 遊覽
蛇門南而有陸無水春申君造以禦越軍在巳地以屬
蛇因號蛇門前溪梅福字子貞爲南昌尉避王莽亂政
稱得仙棄妻子易姓名有人見福隱市卒卽此門也
匠門又名干將門東南水陸二路今陸路廢出海道通
大棗沿松江下滬瀆闔閭使干將于此鑄劍材五山之
精合五金之英使童女一百人祭爐神鼓橐金銀不銷
鐵汁不下其妻莫邪曰鐵汁不下曰有計干將曰昔吾
師之作冶也金鐵之穎不銷夫妻乃斷髮剪指投之鑪
中金鐵乃濡干將夫妻因斷髮剪指入鑪中遂成二劍

雄號干將作龜文雌號莫邪鰻文餘鑄得三千竝號
□文劍干將進雄劍于吳王而藏雌劍時時悲鳴憶其
雄也門南三里有葑門赤門有赤欄將軍墳在蛇門東
陸無水道故名赤門東南角又有魴鱖門吳曾魴鱖見
因號竝非八門之數也婁門本號嚠門東南秦時有古
嚠縣至漢王莽改爲婁縣東南二里有漢吳郡太守朱
梁墳本名趙避後漢和帝諱改爲梁今吳郡朱氏皆梁
之後塘北有顧三老墳見存

齊門北通毗陵昔齊景公女聘吳太子終纍闔閭長子

夫差兄也齊女喪夫每家國因號齊門後葬常熟海隅
山東南嶺與仲雍周章等墳相近葬畢化白龍冲天而
去今號爲母冢墳門東二里有盧江大守開臻墳
平門北面有水陸通毗陵子胥平齊大軍從此門出故
號平門東北三里有殷賢臣申公巫咸墳亦號巫門西
北二里有吳偏將軍孫武墳西北三里有醬醋城漢劉
滂築東北三里有潁川太守陸宏墳

吳縣在望下秦始皇二十六年置漢王莽改秦德縣陳
貞明元年後主復爲吳縣隋開皇九年越國公楊素移

郡及縣於橫山東五里今復移城內管鄉三十戶三萬
一千三百六十一坊三十

吳公子慶忌墳在縣東北三十五里今呼慶墳

步騭墳在縣東北三里騭任吳爲驃騎將軍代陸遜爲
丞相有石碑見存臨頓橋西南

周瑜墳在縣東二里瑜字公瑾盧江舒人仕吳大將軍
南郡太守美姿貌時年二十四吳中皆呼爲周郎及孫
權稱號謂公卿曰非周公瑾不帝矣瑜少精思音樂雖
三爵之後樂有闕誤必知之則回顧時人謠曰曲有誤

周郎顧

顧野王墳在橫山東平陸地遺言不起墳野王字休倫仕陳武帝爲門下侍郎博綜羣書廣搜經籍撰梁瑞應圖七十卷御覽三百六十卷宮人各念一卷常隨駕行內人謂之著脚御覽

姑蘇臺在吳縣西南三十五里闔閭造經營九年始成其臺高三百丈望見三百里外作九曲路以登之射臺在吳縣橫山安平地

鳴城在吳縣東南二十里匠門外沙里中城東五里有

稀墳是吳王畜豨之所東二里有豆園吳王養馬處又有雞陂闔閭置豆園在陂東

織里今織里橋在麗娃鄉俗呼失履橋利娃鄉誤也澹臺湖在吳縣東南十里孔子弟子澹臺滅明字子羽宅陷爲湖湖側有墳

夏駕湖壽夢盛夏乘駕納涼之處
鑿湖池置苑囿故今有橋苑之名

蔡經宅在吳縣西北五十步經後漢人有道術練大丹服菖蒲得仙今蔡仙鄉卽其隱處也

馮煖宅在吳縣東北二里五十步煖平原君門下客今有彈鋏巷其墳在側石碑見存

長洲縣望在郡下貞觀七年分吳縣界以苑爲名地名茂苑水名僊山鄉東一百里有秦時古礪王莽改爲婁縣北三里有角溪廣八里深四丈西入太湖北四十二里有湖廣四里深三丈縣北二十七里有岑陂夏駕陂馬的陂

吳國馬于此

管坊三十鄉三十戶二萬三千七百

華池在長洲縣大雲鄉安昌里

華林園在長洲縣華林橋

嘉興縣本號長水縣在郡南一百四十三里周敬王十年置在谷口湖秦始皇二十六年重移改由拳縣景龍二年嘉禾野生改嘉禾縣吳赤烏元年避吳王太子名改嘉興縣前有晉妓錢唐蘇小小墓東五里有天心池二里有會稽太守朱買臣墳西五百步有晉兵部尙書徐恬宅捨爲靈光寺縣北三十里有雋里池是吳越戰敵處縣南一百里有語兒亭句踐令范蠡取西施以獻夫差西施于路與范蠡潛通三年始達于吳遂生一子至此亭其子一歲能言因名語兒亭越絕書曰西施亡

吳國後復歸范蠡同泛五湖而去二十五里有長谷亭
入華亭縣西北行七十里
有震澤今升縣望管鄉五十
戶一萬七千五十四

崑山縣在郡東七十里地名全吳水名新陽貞觀十三
年分在吳縣東置縣南一百九十步有晉將軍袁山松
城隆安二年築時爲一郡太守以禦孫恩軍在滬瀆池
濱半毀江中山松能楷書梁武帝評其書云山松書如
深山道者見人往往縮退卒贈司空將軍葬橫山東二
里會昌四年升縣管鄉二十四戶一萬三千九百八十

常熟縣在郡北一百里晉建安二年分吳縣海虞置本
號海虞縣至唐貞觀九年改常熟縣北一百九十步有
孔子弟子言偃宅中有聖井闊三尺深十丈傍有盟
也盟北百步有浣沙石可方四丈縣北二里有海虞山

壇卽

仲雍周章竝葬山東嶺上闔閭三子長曰終纍婚齊女
早亡亦葬此山山有二洞穴穴測有石壇周迴六十丈
山東二里有石室太公呂望避紂之處山西北三里有
越王勾踐廟郭西二里有夫差廟拆姑蘇臺造管鄉二

十四戶一萬三千八百二十

華亭縣在郡東一百六十里地名雲閒水名谷水天寶五年置蓋晉元假陸遜宅造池亭華麗故名有陸遜陸機陸瑁三墳在東南二十五里橫山中有鶴鳴鶴唳元鶴管鄉二十二戶一萬二千七百八十

海鹽縣在郡東南二百二十里地名殷水水名福見秦始皇二十六年置陷爲柘湖又改武元縣湖爲當湖隆安五年改東武洲移在故邑上咸康七年改禦越復號海鹽縣陳貞明元年割屬鹽官廣德七年隸歸嘉興景

隆二年重置光天二年廢開元五年刺史張廷珪奏請重置縣東十一里有晉穆帝何皇后宅十五里有公孫挺陳開強顧冶子三墳俱事齊景公魯烈有功于景公爲晏子以桃三顆令言功三人同日而死葬于此縣東南三十里有秦柱山有五百童女避秦始皇難于此後竝得仙縣西五里有會稽山是陸華兄弟尋金牛之處管鄉一十五戶一萬三千二百會昌四年升爲縣

虎邱山避唐太祖諱改爲武邱又名海湧山在吳縣西北九里二百步闔閭葬此山中發五郡之人作冢銅槨

三重水銀灌體金銀爲坑史記云闔閭冢在吳縣閭門外以十萬人治冢取土臨湖葬經三日白虎踞其上故名虎邱山吳越春秋云闔閭葬虎邱十萬人治葬徑三日金精化爲白虎蹲其上因號虎邱秦始皇東巡至虎邱求吳王寶劍其虎當墳而踞始皇以劍擊之不及悞中于石遺跡尚存其虎西走二十五里忽失矜今虎嘍唐諱虎錢氏諱嘍改爲澣墅劍無復獲乃陷成池古號劍池池傍有石可坐千人號千人石其山本晉司徒王珣與弟司空王珉之別墅咸和二年舍山爲東西工寺立祠

于山寺側有貞娘墓吳國之佳麗也行客才子多題詩墓上有舉子譚銖作詩一絕其後人稍稍息筆

花山在吳縣西三十里其山蒼鬱幽邃晉太康二年生千葉石蓮花因名山東二里有胥葬亭吳越闔閭置亭東二里有館娃宮吳人呼西施作娃夫差置今靈巖山是也晉太尉陸玩舍宅置寺宮傍有石鼓大三十圍吳志云其鼓有兵則鳴晉隆安二年賊孫恩作亂鼓鳴山上有池旱亦不涸中有蕤甚美夏食之則去熱吳中以爲佳品

支硎山在吳縣西十五里晉支遁字道林嘗隱于此山後得道乘白馬升雲而去山中有寺號曰報恩梁武帝置

岸罅山在吳縣西十二里吳王僚葬此山中有寺號思益梁天監二年置

餘杭山又名四飛山在吳縣西三十里有漢豫章太守陸烈墳東二里有漢山陰縣令陸寂墳山有白土如玉甚光潤吳中每年取以充貢號曰石脂亦曰白堊白塏東三里有夫差義子墳十八所

橫山又名據湖山在吳縣西南十六里中有朱植墳及晉門下侍郎陸雲公墳

雞籠山在吳縣西三十里以形似雞籠因名晉太康二年司空陸玩葬此山掘地得石鳳飛去今鳳皇墩是也陸玩字君瑤爲左僕射蘇峻之難與兄曄隨帝在石頭城以曄玩吳民之望不敢加逼遷旣登公輔嘗歎息謂賓客曰我爲三公是天下無人其謙抑若是疾薨以佐命之勲特置七十家守墳子納字祖言訥玩之弟子納誤也清操絕俗不改素業爲吳興守至郡不受俸祿征討大都督

學海類編 卷之三 遊覽
謝安詣納殊無供辦茶果清談而退終尚書令亦葬此山

昇猶山在吳縣西二十里吳太宰嚭所葬嚭楚伯州犁之孫楚誅伯州犁奔吳吳以爲大夫讒佞夫差而誅子胥后勾踐滅吳誅嚭以其不忠也

女墳湖在吳縣西北六里越絕書曰夫差小女字幼玉見父無道輕士重色其國必危遂願與書生韓重爲偶不果絕怨而死夫差思痛之金棺銅槨葬閭門外其女化形南山歌曰南山有鳥北山張羅鳥旣高飛羅當奈

何志欲從君讒言孔多悲怨成疾沒身黃坡趙華吳越春秋云闔閭有女哀怨王先食蒸魚乃自殺王痛之厚葬于閭門外其女化爲白鶴舞于吳市千萬人隨觀之後陷成湖今號女墳湖疏杯亭在女墳湖二百步闔閭三月三日泛舟遊賞之處

太湖按漢書志云爾雅釋地曰吳越之間有具區郭璞云今吳縣西南太湖卽震澤也中有包山去縣一百三十里其山高七十丈周迴四百里下有洞庭穴潛行水底無所不通號爲地脈又有大小二雪山按越絕書曰

太湖周迴三萬六千頃亦曰五湖虞翻云太湖有五道之別故謂之五湖國語曰吳越戰于五湖在笠澤一湖耳張勃吳錄云五湖者太湖之別名以其周行五百里以五湖爲名周處風土記曰舜漁澤之所也楊州記曰太湖一名震澤一名洞庭今湖中包山有石穴其深莫知其極卽十大洞天之弟九林屋洞天也洞庭山記曰洞庭有二穴東南入洞幽邃莫測昔闔閭使靈威丈人尋洞秉燭晝夜而行繼七十日不窮而返啓王曰初入洞口狹隘偃僂而入約數里忽有一石室可高二丈常

垂津液內有石牀枕硯石几上有素書三卷持回上于闔閭不識乃請孔子辨之孔子曰此夏禹之書竝神仙之事言大道也王又令再入經二十日卻返云不似前也唯上聞風水波濤又有異蟲撓人撲火石燕蝙蝠大如鳥前去不得丈人姓毛名萇號曰毛公今洞庭有毛公洞石室竝壇存焉

松江一名松陵又名笠澤

越伐吳禦之笠澤

其江之源達接太湖一江東南流五十里入小湖一江東北流二百六十里入于海一江西南流入震澤此三

江之口也咸仲云松容也容裔之貌尚書云三江既入震澤底定是也晉張翰仕齊王囧在京師見秋風起思松江鱸魚膾遂命駕東歸俄而囧敗人皆謂之見機卒葬橫山東五里

唐曹恭王廟在松江恭王太宗第十四子調露元年則天皇后出爲蘇州刺史

百口橋後漢郡人顧訓家有百口五世同居鄉人效之共議近宅造百口橋以彰孝義也

乘魚橋在交讓瀆郡人丁法海與琴高友善高世不仕靜然不動良久遂下請高登魚背乃舉翼飛騰冲天而去

共營東皋之田時歲大稔二人共行田畔忽見一大鯉魚長可丈餘一角兩足雙翼舞于高田法海試上魚背

靜然不動良久遂下請高登魚背乃舉翼飛騰冲天而去

琴高宅在交讓瀆法海寺西五十步法海寺濟陽丁法海舍宅所置法海蓋丁令威之裔殿西浮圖下皆令威煉丹井也

皋橋在吳縣北三里有五十步漢議郎皋伯通字奉卿所居因名伯通卒葬胥門西二百步號伯通墩高士梁

鴻隱居伯通廡下爲人賃春每歸妻爲具食舉桮齊眉
伯通察而異之曰彼傭能使其妻敬之如此非凡人也
舍于家鴻潛閉門著書十餘篇疾因告主人曰昔延陵
君葬于嬴博之間不歸鄉里慎勿令我子持喪歸去乃
卒伯通等求葬地于吳要離冢傍咸曰要離烈士伯鸞
清高宜令相近葬畢妻子歸扶風

都亭橋壽夢于此置都驛招四方賢客基址見存

炭渚橋吳時海渚通源後沙漲爲陸基址見存

定跨橋闔閭于行苑內置游賞之處基址見存

重元寺梁衛尉卿陸僧瓚天監二年旦暮見住宅有瑞
雲重重覆之遂奏請舍宅爲重雲寺臺省誤寫爲重元
特賜大梁廣德重元寺

乾元寺晉高士戴驕舍宅置乾元初蘇州節度採訪使
鄭桂清書額奉敕依年號爲乾元寺

通元寺吳大帝孫權吳夫人舍宅置晉建興二年郡東
南二百六十里有滬瀆漁人夜見海上光明照水徹天
明日覩二石神像浮水上眾言曰水神也以三特日祝
迎之像背身泛流而去時郡有信士朱應及東陵寺尼

率眾香花鍾磬入海迎之載入郡城像至通元寺前諸
寺競爭數百人牽拽不動眾議元像應居此寺言畢數
人昇試像乃輕舉便登寶殿神驗屢彰光明七日七夜
不絕梁簡文帝制石佛碑曰有迦葉佛維衛佛梵字刻
于像背唐東宮長史陸柬之書碑載初九年則天皇后
遣使送珊瑚鏡一面鉢一副宣賜供養兼改通元寺爲
重雲寺開元五年兼賜金魚字額舊通元寺移鹽官縣
東四十里鮑郎市其後像失一軀後人又造一軀以竝
之

龍光寺梁天監二年金紫光祿大夫

舍宅陸置

柬之書額

永定寺梁天監三年蘇州刺史吳郡顧彥光舍宅置陸

鴻漸書額

宴聖寺梁天監三年司徒沈長史吳郡張融舍宅置右

衛翊陸遠書額

禪房寺宋建武元年蘇州刺史張岱舍宅置吳郡陸曾

書額

流水寺吳郡陸襄舍宅置三殿三樓高僧清閒建吳郡

縣令田業伯葉青書額

唐慈寺宋建武元年高士將軍舍宅置

朱明寺晉隆安二年郡人朱明孝義立身而家大富與弟同居弟妻言樹壞欲棄兄異居明知弟意乃以金帛餘穀盡給與弟唯留室宅忽一日狂風驟雨悉吹財帛還歸明宅弟與妻羞見鄉里自盡明乃舍宅爲寺號朱明寺

般若臺晉穆侯何曾置內有水池石橋銅像一軀高一丈六尺高士戴騶建唐景龍二年有神光現數月不歇

奉敕改神景寺東北有般若橋因寺而名

崇福寺梁天監三年武帝置周朝廢之寶應元年重置龍興寺則天皇后置御書額八方開元五年再興此寺刺史張廷珪模勒御書于碑

慈悲寺齊永明二年吳人薛墨舍宅置宋周曇卒遺言遷其靈柩于殿下

陸卿寺梁莊舍宅置

崇善玉芝二觀竝天監二年置

右館八所

全吳

通波

龍門

臨頓

升羽

帶城橋二百步

烏鵲

古郡南高橋

江風

湯馬港是

夷亭

養魚之亭

右坊三十六所

通波

三讓

水浮

闔閭

坤維

館娃

調啁

平權

金風

南宮

通關

蓋簪

吳越

白賁

南記

長干

望館

曳練

萇楚

處暑

常縣

白華

卽次

甘節

吳淦

洊雷

義和

噬嗑

嘉魚

陋燭

已上三十坊在吳縣

遷善

旌孝

儒教

繡衣

太元

黃鸝

玉鉉

布德

立義

孫君

青陽

建善

從義

迎春

載耜

開水

麗澤

釋菜

和令

夷則

南改

仲呂

必大

豸冠

八貂

同仁

天宮

布農

富春

循陔

已上三十坊在長洲縣

周泰王三子長曰泰伯次曰仲雍次曰季歷季歷賢而生聖子文王昌昌必有天下故泰伯以天下三讓于季歷焉周與吳皆后稷之後姓姬氏吳國泰伯在位四十九年無子弟仲雍立

周繇王在位三十七年

子熊遂立之

熊遂在位四十九年

子早軫立之

早軫在位五十九年

子款吾立之

款吾在位三十八年

子之兄夷處立之

夷處在位三十九年

姪壁羽立之

壁羽在位三十六年

子齊元立之

齊元在位五十年

子柯廬立之

柯廬在位二十七年

弟柯轉立之

柯轉在位二十四年

子嬌夷立之

嬌夷在位二十四年

姪鴟夷立之

鴟夷在位三十年

子界嗣立之

界嗣在位三十五年 子知濟立之

知濟在位二十七年 子諸樊立之

餘濟在位十七年 子餘昧立之

餘昧在位二十一年 子僚立之

子僚在位十三年 堂弟子光立之

子光在位二十年 子光諸樊之子殺僚篡位號闔閭子夫差立之

夫差在位二十三年 為越王句踐所殺國滅

以上計二十五王治國總六百二十四年 按所記與史記

吳世家多不同或別有所本史記二十一君此作二十五王才知就是

羅城作亞字形周敬王六年丁亥造至今唐乾符三年

丙申凡一千八百九十五年其城南北長十二里東西


九里城中有大河三橫四直蘇州名標十望地號六雄

七縣八門皆通水陸郡郭三百餘巷吳長二縣古坊六

十虹橋三百有餘地廣人繁民多殷富古蹤靈跡實異

事後因王郢叛亂羅城乃以重修今姑纂成圖畫以俟

後來者添修焉



吳風錄

明 吳郡黃省曾勉之著

自吳王闔閭造九曲路以遊姑胥之臺臺上立春宵宮
爲長夜之飲作天池泛青龍舟舟中盛致妓樂日與西
施爲嬉白居易治吳則與容滿蟬態輩十妓遊宿湖島
至今吳中士夫畫船遊泛攜妓登山而虎邱則以太守
胡纘宗創造臺閣數重增益勝眺自是四時遊客無寥
寂之日寺如喧市妓女如雲而他所則春初西山踏青
夏則泛觀荷蕩秋則桂嶺九月登高鼓吹沸川以往

自吳王光僚骨肉戕殺之後今九族昆弟互謀交爭鮮有親睦者

自角里披裘公季札范蠡輦前後潔身歷世不絕時時有高隱者永樂中有王賓氏

自漢蔡經居胥門而王方平麻姑會於其室魏伯陽作丹飛昇楊羲陸修靜輩入句曲山學道至今吳下好談神仙之術然聲色汨之卒皆無成最下者造黃白偽金謂之茅銀用此欺購者眾

自梁鴻由扶風東方朔由厭次梅福由壽春戴逵由剡自梁武帝好佛大興塔寺竺道生虎邱聚石爲徒講涅槃經石皆首肯支遁入道支硎山海上浮二石像於開元寺至今虎邱開元每有方僧習禪設會講二三月郡中士女渾聚至支硎觀音殿供香不絕

自六朝文士好嗜詞賦二陸擷其英華國初四才子爲盛至今髫齡童子卽能言詞賦村農學究解作律詠

自王謝支遁喜爲清談至今士夫相聚觴酒爲閒語終日然多浮虛豔辭不敦實幹務

自梁皇侃明三禮孝經論語撰禮記講疏五十卷論語義疏十卷陳張冲撰春秋義喪服義三卷孝經論語義十卷隋褚暉撰禮疏一百卷而陸元朗論撰尤多至今吳人善著書然喜怒哀集文章雜事無明瑩篤實而通經者

自吳曹弗興畫赤龍兵符圖置龍水旁應時雨足張僧繇丹青絕代而於金陵安樂寺畫四龍點睛者飛去張

璪雙管爲生枝枯枿入神品滕昌祐花鳥何充寫貌至今吳人善畫者多

自張宏善篆張彭祖善隸右軍每見其縑素尺牘則藏之張旭草書入神品至今吳人善書章草稱宋克能品稱徐有貞李應禎無寬泛而超入於晉者惟祝允明得變化之妙

自席謙善碁石荆山善琴呂彥直善雙鉤張琪善刊鑱至今吳中多碁客琴師雙鉤然逐利而爲無古人自得之妙

自朱勔創以花石媚進建節鉞而太湖石一座得銀盃
千役夫賜郎官金帶石封爲磐固侯壘爲艮嶽至今吳
中富豪競以湖石築峙奇峰陰洞至諸貴占據名島以
鑿鑿而嵌空妙絕珍花異木錯映闌圃雖閭閻下戶亦
飾小小盆島爲玩以此務爲饕貪積金以充眾欲而朱
勔子孫居虎邱之麓尙以種藝壘山爲業游於王侯之
門俗呼爲花園子其貧者歲時擔花鬻於吳城而桑麻
之事衰矣

自蘇師旦以韓氏書史受諸將賄之今吳人好遊托權

要起家永樂時附於權臣紀綱者有陳湖陸氏張氏正
德閒附於閹人劉瑾者有湯氏家無擔石者入仕二三
年卽成鉅富由是莫不以士爲賈而求人學庠者肯捐
百金圖之以大利在後也陸冢宰贖貨萬餘以宸濠黨
謫戍吳太守營新宅甲吳中今歸他人天道雖不爽而
貪者尤甚然持廉而不營產者則目爲癡其廉行素著
者御史陳祚副使陳琦郎中張璋

自元氏海運用海民朱清張瑄而瑄子文虎遂以戶部
尙書領漕取路大洋旬日達於直沽由是朱張二氏得

以交通諸蕃貿易占刈官蘆販鹽行劫第宅徧於吳中瑄妾楊氏美而悍別建地於乘魚橋謂之四夫人府後沒籍二氏特立提舉司專典其金帛至今吳人有通蕃求富者竝海崇明三沙姦民多以行販抄掠爲業

自沈萬三秀好廣闢田宅富累金玉沿至於今競以求富爲務書生惟藉進士爲殖生階梯鮮與國家效忠

自顧阿瑛好蓄玩器書畫亦南渡遺風也至今吳俗權豪家好聚三代銅器唐宋玉窰器書畫至有發掘古墓而求者若陸完神品畫累至千卷王延喆三代銅器萬

件數倍於宣和博古圖所載

自正德中吳中古墓如城內梁朝公主墳盤門外孫王陵張士誠母墳俱爲勢豪所發獲其殉葬金玉古器萬萬計開吳民發掘之端其後西山九龍塢諸墳凡葬後二三日閒卽發掘之取其斂衣與棺傾其屍於土蓋少久則墓有宿草不可爲矣所發之棺則歸寄勢要家人店肆以賣乃稍稍輯獲其狀胡太守纘宗發其事罪者若干人至今葬家不謹守者閒或遭之

自曹太守鬻物於民皆有鋪戶答應卜其入而一其酬

在昔已有曹平分傳白奪之謠至今郡縣刻剝鋪戶嘉靖十二年霸州王儀以御史來則鋪戶一切革之

自郡守徐親信吏胥門隸往往爲富人至今爲吏胥門隸者酷以剝剋訟人爲事而隸人之害爲尤甚一人之正十人之副與吏胥夤緣爲奸買賣而出則橫行動輒索數十金其富而訟者糧長之欲脫稽其逋者所贈尤多

自劉氏毛氏創起利端爲鼓鑄園房王氏債典而大村名鎮必張開百貨之肆以權管其利而村鎮之負擔者

俱困由是累金百萬至今吳中縉紳士夫多以貨殖爲急若京師官店六郭開行債典興販鹽酷其術倍剋於齊民


自江右張鼇山提學來吳廢七塔朱明二尼寺以業宦室胡太守又廢景德等寺爲子游等祠公館且往往餽贈勢顯由是自城至於四郊及西山一帶率爲權豪所奪爲書院園圃墳墓而吳之叢林無完者矣至於黃縣令輩則又盡撤古刹以贈權門貪夫否則厚估其值令釋道納之大擾郡中至今未已

自郭令信任鉅萬富糧長納其贓賄千萬以至糧長倍
收入戶吞併鄉民莫之控訴而糧長自用官銀買田造
宅置妾百費則又開坐於小戶謬言其逋至今糧長虎
噬百姓以奉縣官

自張士誠時走卒廝養皆授官爵至今稱呼椎油作麪
傭夫爲博士剃工爲待詔家人奴僕爲郎中吏人爲相
公

自吳民劉永暉氏精造文具自此吳人爭奇鬪巧以治
文具行賂者乃贈郡縣故郡縣宦此者爭索文具於民

若長洲郭田二令相繼挾千副以往至今爲民害未已
云



蘇談

明 楊循吉君謙 著

姚守重士

革除年間太守姚公最爲重士嘗禮俞貞木于布衣之中數數饋以薪米因此遂復得錢繼忠二老儒皆徵出部下自姚公折節顧好悉爲賓客郡中嘗開宴彥士竝集一古列指使據坐上席繼忠罵之貞木踐繼忠足勸使勿罵繼忠愈罵急太守問故繼忠曰公今日宴會當以尊士爲重更無日指使以武臣坐諸賓上耶古列慙

學海類編
謝退避下坐是時四海初定武功方定衛將赫赫在姚
公固不敢與之抗禮置之上坐蓋非其本心而繼忠當
筵叱罵太守爲之彌縫周全指使爲之從容避席皆可
謂難得者也

黠妓賺詩

陳體方以詩名吳中有一妓黃秀雲好詩謬謂體方曰
吾必嫁君然君家貧如此肯爲詩百首贈我以爲聘資
乎體方信之爲賦至六十餘篇而沒情致清婉傳誦詞
林然是妓性實黠慧利于多得其詩而已于體方本無
意也體方之爲詩時人多笑其老耄被給而欣然每談
于人以爲奇遇云

韓公有度量

韓公永熙作鎮兩廣時洞蠻方熾公深追斬大藤峽嶺
表悉安梧州兩廣中界也公于此開都府聽治焉列畫
鼓數十面每有出入則撾之以爲節凡給侍左右皆三
品指使蓋極一時之富貴以尊嚴擬于王公也公度量
宏大每賓客過必以厚贈軍前取賞無筭而士氣惛伏
無敢有不盡力者諸蠻因以遂屏息不出至于今猶公

之功也然公得謗亦竟坐用修一事解政及後代者至則拘拘繩墨無復公之洞達矣當公之時廣中兩司自正使而下交代皆一至梧州參謁候于門下若小吏然及見則長跪白事惴惴不敢以方面自居也及公歸後凡易四五人皆不得然矣惟交代一見爲廢也則知公之威望豈可以時輩小節求之乎

僧中善記

陽山寺僧道昂能誦法華經七軸熟如注水每旦入城則沿途持以爲課至半道輒一周焉他如圓覺了義慈

悲懺法金光明地藏皆能口述不煩披閱惟華嚴般若則稍對經本然閉目亦能諷誦略據行墨而已吾輩士人固多慚之也

吳中醫派

今吳中醫稱天下蓋有自矣初金華戴元禮學于朱彥修旣盡其術來吳爲木客吳人以病謁者每製一方率銀五兩王仲光爲儒未知醫也慕而學焉因咨學醫之道元禮曰熟讀素問耳仲光歸而習之三年元禮復來見仲光談論大駭以爲不如恐壞其技于是登堂拜母

以定交時仲光雖得紙上語未能用藥元禮有彥修醫案十卷祕不肯授仲光仲光私窺之知其藏處俟其出也徑取之歸元禮歸而失醫案悔甚嘆曰惜哉吾不能終于此惠也于是仲光之醫名吳下吳下之醫由是盛矣

史明古修志

史明古修吳江縣志欲加山川爲一門吳江本無山循吉因論閒及此問之明古曰橫山亦在吾邑境內循吉曰橫山是吳縣山吳江但得一角耳豈可相割與乎時

都元敬亦在坐相與一笑

顧阿瑛豪侈

顧阿瑛在元末爲崑山大家其亭館蓋有三十六處每處各有春帖一對阿瑛手題也記必名公詩必才士雖篆隸二三字亦必選當代名筆當時如楊廉夫鄭明德張伯雨倪元鎮皆其往還客也尤密者爲秦約于立釋良琦有二妓曰小瓊花南枝秀每會必在焉阿瑛好事而能文其所作雖不在諸客上而詞語流麗亦能動人故在當時得以周旋騷壇之上者則亦非獨以財故也

後瑛遭亂財盡散去遂削髮爲在家僧

吳都憲膽氣

常熟吳都憲訥少爲士時素負氣剛介章御史珪于都憲差後然亦一不屈士也二人不相下各有豪邁自雄欲鬪見之福山有東嶽祠塑酆都獄至爲猛猛又爲機括設伏于地下人不知躡之則有羣偶鬼萃而搶焉殿堂闕寂人非攜一二伴侶不敢單身而入也章與吳約以月黑天陰之時獨往以散餅爲驗每鬼前必畱一餅既約定章私先往福山匿神帳中吳持餅詣鬼前每至

一鬼必云與汝一個次章所匿處章伸手出乞吾也要一個吳遂以餅與之云也與汝一個殊無驚異由是章大驚服後吳仕至都御史亦多有著述爲時名儒焉然福山今已焚毀余數年前一至土偶零落無復向者之可駭者矣

常熟酒令

常熟士人飲酒立令最爲嚴酷杯中餘瀝有一滴則罰一杯若至四滴五滴亦罰如其數惟是酒錄事是聽不敢辭也又其爲例頗多如不說後語及落臺說話不檢

舉飲不如法皆有罰罰而辨者爲攪令亦有罰必滿飲
飲復犯令則復罰雖十罰必罰十杯無一恕者其爲深
刻慘酷殆杯酌中商君矣如飲者飲本乾主令者故欲
其飲則驗杯喝云有五滴則徑罰五杯或主令者初舉
酒時揚杯告云如法而不告以其故及飲者効之揚杯
則喝云不如法不得不飲故其宴會非有深量者未有
不被荼毒者也不知此法起于何人亦不仁之甚矣然
亦其本邑自行之他邑不用也飲酒本以爲歡乃苦人
如是豈善飲乎

中峰草堂

中峰卓錫處皆以幻住名之道行既高四眾皈向凡建
所謂幻住菴者有數十處今在吳中者正居吾家雁蕩
村之西無二里遠也殘碑墮草莽中雖殿堂三間基址
去地殆五尺餘云禪師之所築也故老相傳建此菴時
馮海粟煉泥趙子昂搬運中峰自以塗壁卽此草堂是
也或謂馮趙二公貴爲王臣豈屑爲是此俗人之見耳
前人高勝處至多要之此亦是其高致尋常事何足怪
也

武功治水

武功在張秋治水久未就功問于王尙書來尙書曰分水勢尋水源武功于是先開數渠引水散爲各支流水而時或汎濫其害終在再三求源發不得乃投以物使人離數十里候之物復浮出如是者數處武功水流則不受物源不在是再投之一處不浮曰此乃真水源也以百計塞之皆莫效下以土石若無者聞一僧有道武功就往謁之問術僧不肯言強之但云聖人無欲武功歸思而不得數日忽悟曰此下殆有龍窟耶龍所欲者

珠也吾能使之去于是鑄長鐵柱同釜底貫而下焉水始受塞不逾時遂成平陸蓋鐵汁能蝕珠龍愛珠故也武功時爲人道之

姚廣孝雅量

少師在松下散飯曳履獨步不將餘人本縣丞喝道來少師行如故丞怒笞而詢之少師受笞不自道丞使緹置後隨行人有識之者曰此少師也丞大驚伏地請罪少師徐行且送郡獄明日出之謂太守曰秀才官人不識事體野僧行道何足怒而遽笞之吾昨日更以相戲

耳更不罪也

林屈洞天

武功平生好奇每遇遊覽必窮其勝林屋洞天在包山其中深窈幽黑久無遊者武功列炬而入行頗久至一處平敞寬崇特爲幽妙四壁上下皆作金色有石乳自上滴下相接至地瑩如白玉謂之曰金庭玉柱者是也中設石牀類爲仙者之外室再欲進步則爲流水阻絕漸爲深窈不能前矣不知何人題曰隔凡字勢飛逸疑非人間書也武功欲畱作其閒爲同遊俗子所促悵然

而出自後更無往者

東平志異

前輩王某正統中爲東平州判官濬水于古堤下得一壙有石誌云前卦吉後卦凶五百年後水來衝幸遇王州移吾葬河東王異之顧河東果有義冢乃移葬焉王陞爲知州乃笑曰前人止言吾爲州判今至握印得無過乎竟終于官其子珙與余交親言之也

文襄仁政

周文襄公閱一死獄欲活之無路形于憂嘆使吏抱成

學海類編 卷之八 遊覽
案讀之案至數萬言背手立聽至一處忽點首喜曰幸有此可生遂出其人

文襄佛噓

文襄在吳中好徜徉梵刹旌節所至鐘聲交接每至佛殿則膜拜致敬人或謂之文襄笑曰卽如以年齒論之彼長吾蓋二三千歲豈不直得人拜一二拜也行之自若

桐邨事武

周伯器寓客吳中以教授爲業正統末福建盜作金尙

書統兵往征厥討伯器拱立胥門水次自荐喝曰有嘉興儒人周鼎願効力軍前尙書壯之顧其衣猶儒服謂曰旣超武事難仍舊衣伯器曰諾亟易短袍戴小帽束腰而進尙書納之後至福中遂爲尙書親信凡帳前合用文字皆令製焉賊平論功尙書與張僉都不協其勞不得盡上止爲沐陽典史

蘇治失火

況守治府時被火焚卷文悉燼遺火者一吏也火熄況守出坐礫場上呼吏痛杖一百喝使歸舍亟自草奏一

力歸罪己躬更不以一語累吏也初吏自知當死況守
嘆曰此固太守事也小吏何足當哉奏上罰止罰俸而
已

東里荐吳人

楊文貞公荐達士類多踐清華如吾蘇一郡蓋有三人
則天下不可知也三人爲尙書楊仲舉都御史吳訥五
經博士陳嗣初仲舉與文貞住武昌因患難之交訥黑
窯匠以一文嗣初教書儒生以一詩皆入啓事悉登臺
閣今人雖曰詩文百篇誰復聞有荐一人者哉

楊尙書遇文貞

仲舉昔戍武昌楊文貞公爲學官以失印避罪至其地
流落無依變名曰楊立可因行途中值雨偶憩仲舉之
家見其方爲童子句讀與談有契文貞因善易遂許授
焉仲舉下拜願終其聽文貞以無資爲言仲舉卽讓館
與之而自教授于他處往返者十餘里不以爲勞文貞
被荐及相引拔

文貞貴德

楊文貞公作第初成設中門未行使人卽請仲舉先生

焉曰此門可不容有德之人先踐也

周巡撫解嘲

周文襄公以侍郎初莅美化未孚歲適不登人譏之曰
周白地文襄笑曰今年呼吾周白地他年教汝米鋪地
治未逾年粟果盈羨民間銀十兩糴米五十石

王止仲

止仲爲吳中文人藍玉家請爲子師人勸勿往答曰大
蟲穴中可遊戲也及到玉家未久玉方自雲南凱歸不
肯往謁曰吾人師也將軍主人也玉壯其言遂先垂訪
塾中以爲儒生而易之及發談皆兵家語無異老將玉
深敬異禮爲上賓及玉被收止仲亦連坐死

夏卿風致

夏太卿以七十致仕家居風度曠達爲吳中一時人士
所宗其子鉞奉之甚備太卿好與賓客遊樂未嘗一日
不具酒食或無客至則鉞先令人徧召太卿所善客集
城外盤桓所以肩輿舁太卿至其處盡歡方歸盤桓太
卿之別業也有林木花竹之勝太卿晚歲優游凡二十
二年而後下世太卿爲人善自娛飲後情暢則以杯擲

起而接之歌弄自若其風致如此近世不復得見此人矣

劉氏世德

先外祖虞衡府君厚德人也先舅初爲學生小試第一人以爲賀府君曰須得鄉試如此方可喜耳及試南都學士高穀得先舅之文而奇之曰是必山林老儒果擢第一揭曉日先舅才二十歲人來報府君曰且喜賢郎已作解元府君徐曰知會試如何顏色自若不異平時明年試禮部復魁天下府君得信復然府君後以先舅

貴封虞衡主事爲人好事禮佛諷經終身不倦竟日無一語人有誑之者未嘗不信也年八十得疾數日延至次年元日而沒蓋復添一歲焉

荐人反噬

葉文莊公在兩廣巡撫御史吳楨有小材文莊愛之遂舉同舉戎事吳由此得驟爲僉都旣而吳不樂爲之下謀傾葉結閣老李賢召之還鎮口外而已得獨任文莊後至吏部由此不荐一人與先舅參政劉公爲莫逆交參政以文學知名四方而浮沈外藩二十年文莊不爲

引荐士論薄之或以其猶以楨故若其果然是何以一人之負己而遂以天下皆然耶大臣之量恐不如是後文莊沒其家請參政作傳參政辭之縉紳私快蓋文莊在吏部僅僅保祿位而已卒至死之日未聞有荐賢之稱云

壽不係人

酒之爲害有至酷烈者尊生之士不可不知也成化中故崇真宮道士龔尙賢飲燒酒過多夜向臥吹燈引火入喉中燒死是事非遠數年閒耳大抵酒皆有火非但

燒酒也然世閒有一生飲酒而壽者吳中蔣大卿平生未嘗一夕脫于姬妾其飲酒至百鍾不醉今九十餘歲矣猶日行數十里也則亦其稟受之厚有酒色不得而損者也若曰酒色不能害人則非也然不飲酒而得壽者世固多有之吾家先伯祖老不絕姬妾惟不飲酒壽九十一而沒又母族之一長者曹翁居京師年九十步履如壯人問其飲酒亦涓滴不飲也則可知飲酒之能損壽矣予以爲蔣大卿之飲酒得壽此自其得于天者之厚耳不可學也吾家二老之不能飲酒登九十者則

養生宜師之雖不能必如二老要亦有此理也若龔尙
賢則其死信不由命可爲狂飲者之深戒也

陳氏世家

陳惟允在張太尉開府時爲潘左丞客甚貴嘗在馬上
遇止仲步來止仲嘗微賤不爲所齒惟允揚鞭呼云王
行可來吾家看畫止仲羞之惟允死其子繼事止仲爲
師止仲待之殊薄報前恨也止仲嘗稱惟允爲先友後
有譏之者云當時止仲望惟允馬塵猶且不及安敢與
之爲友乎繼卽五經博士爲西楊公所荐者也

萬三遺宅

沈萬三家在周莊破屋猶存亦不甚宏壯殆中人家制
耳惟大松猶存焉被沒者非萬三家蓋萬四之在黃墩
者耳

劉守鎮訛言

處州葉宗畱叛時有童謠曰到中秋過蘇州人皆相傳
驚不已或傳賊有二飛劍能殺人者人益惑之忽有決
囚重臣自北來者郵卒執小黃旗馳報呼云殺人者至
矣人聞之莫問其詳皆相傳報以爲處賊至也棄擔負

學海類編 卷之四 遊覽
皆返走八城自楓橋至閭門肩背相疊皆滿至不能行
焉明日始定郡守執郵卒杖殺之

陸道判捐資

元時富人陸德原貨甲吳下爲甫里書院山長一時名
流咸與之遊處暮年對其治財者二人以資歷付之曰
吾產皆與汝惜爲汝禍耳德原遂爲黃冠師居陳湖之
上開瑞雲觀居之改名宗靜又納貨爲道判時稱陸道
判其故宅今爲竹堂寺所謂二人者其一卽沈萬三秀
也其一姓葛亦富名不傳

五經文累

陳五經嗣初先生家居後學士王淮展墓還台縣過蘇
相與登城而遊焉王公引其二子拜五經于城上乞文
遂爲命筆時五經老矣窮搜耗精至成疾乃戒勿遂親
篇翰後一客頗無狀必欲五經爲之辭而不獲因怒曰
若強吾作須死耳客責曰王學士固有勢人文宜與之
吾斯人輩何足勞公耶五經不得已勉領之操觚而疾
重遂以不起大抵作文出于思索其傷心役氣特甚又
况執筆對題爲世俗酬應之文亦何意味苟非沛然有

學海類編 卷之五 遊覽
餘之才則鮮有不爲所困者也

桐村健文

周伯器往來吳中嘗以文自賣平生所作蓋將千篇開卷視之自初至終非堂記則墓銘耳甚至有慶壽哀挽之作亦縱橫其閒然伯器之才特長于此每爲人作一篇必有所得多或銀一兩少則錢一二百文耳伯器每諾而許之一日作數篇不竭精粗閒出在乎得者遇之然伯器稍舉筆便得成章細字正書雖起草亦然不見其勞也豈有才固有長于此者歟及旣死所遺論著無

一篇識者惜其有才而錯用之也

學海類編

三

三

遊覽

初

遊城南記

宋 浙右張 禮茂中撰

元祐改元季春戊申明微茂中同出京兆之東南門

張注曰唐皇城之安上門也至德二載改爲先天門

尋復舊肅宗以祿山國讎惡聞其姓京兆坊里有安

字者率易之○續注曰志總序云唐開元元年改雍

州爲京兆府以京城爲西京天祐元年昭宗東遷降

爲佑國軍梁開平元年改府曰大安越二年改軍曰

永平後唐同光元年復爲西京晉天福元年改軍曰

晉昌漢乾祐元年改軍曰永興其府名皆仍舊有宋
因之故其南北相值之街亦曰安上

歷興道務本二坊

張注曰興道坊在安上門街之西景龍三年改瑤林
坊務本坊在安上門街之東與興道坊相對景龍二
年改玉樓坊景雲元年竝復舊二坊之地今爲京兆
東西門外之草市餘爲民田

由務本西門入聖容院觀薦福寺塔

張注曰聖容院蓋唐薦福寺之院也今爲二寺寺之

浮圖今正謂之薦福寺塔尙存焉其寺文明元年立
謂之大獻佛寺天授元年改爲薦福寺景龍中宮人
率出錢起塔十五層續注曰貞祐乙亥歲塔之纏腰
尙存辛卯遷徙廢蕩殆盡惟磚塔在焉

南行至永樂坊

張注曰卽橫岡之第五爻也今謂之草場坡古場存
焉隋宇文愷城大興以城中有六大岡東西橫亘象
乾之六爻故于九二置宮室以當帝王之居九三置
百司以應君子之數九五貴位不欲常人居之故置

元都觀大興善寺以鎮之元都觀在崇業坊大興善寺在靖善坊其岡與永樂坊東西相直長安志云坊東有裴度宅度欲入朝有張權輿上疏云度名應圖讖宅據岡原蓋嘗有人與度作讖云非衣小兒坦其腹天上有口被驅逐言度曾討淮西平吳元濟宅據岡原與興善元都相連故也

東南至慈恩寺少遲登塔觀唐人畱題

張注曰寺本隋無漏寺貞觀二十一年高宗在春宮爲文德皇后立爲慈恩寺永徽三年沙門元奘起塔

初惟五層磚表土心效西域窰堵波卽袁宏漢記所謂浮圖祠也長安中摧倒天后及王公施錢重加營建至十層其云鴈塔者天竺記達嚧國有迦葉佛伽藍穿石山作塔五層最下一層作鴈形謂之鴈塔蓋此意也嘉話錄謂張莒及進士第閒行慈恩寺因書同年姓名于塔壁後以爲故事按唐登科記有張台無張莒台于大中十三年崔鏹下及第馮氏引之以爲自台始若以爲張莒則台詩已有題名之說焉塔自兵火之餘止存七層長興中西京畱守安重霸再

學海類編 三 遊覽
修之判官王仁裕爲之記長安士庶每歲春時遊者
道路相屬熙甯中富民康生遺火經宵不滅而遊人
自此衰矣塔旣經焚塗圻皆剝而磚始露焉唐人墨
迹于是畢見今孟郊舒元輿之類尙存至其他不聞
于後世者蓋不可勝數也續注曰正大遷徙寺宇廢
毀殆盡惟一塔儼然塔之東西兩龕唐褚遂良所書
聖教序及唐人題名記碑刻存焉西南一里許有西
平郡王李公晟先廟碑工部侍郎張或撰司業韓秀
弼八分書字畫歷歷可讀

倚塔下瞰曲江宮殿樂遊燕喜之地皆爲野草不覺有
黍離麥秀之感

張注曰江以水流屈曲故謂之曲江其深處下不見
底司馬相如賦曰臨曲江之隈洲蓋其地也劇談曰
曲江本秦隄洲唐開元中疏鑿爲勝境江故有泉俗
謂之漢武泉又引黃渠之水以漲之泉在江之西旱
而禱兩有應今爲濱江農家湮塞然春秋積雨池中
尤有水焉黃渠水出義谷北上少陵原西北流經三
像寺鮑陂之東北今有亭子頭故巡渠亭子也北流

八鮑陂鮑陂隋改曰杜陂以其近杜陵也自鮑陂西北流穿蓬萊山注曲江由西北岸直西流經慈恩寺而西歐陽詹曲江記其略曰茲地循原北峙迴岡旁轉圓環四而中成坎窞窳窳港洞生泉翕源東西三里而遙南北三里而近崇山濬川鉤結盤護不南不北湛然中停蕩惡舍和厚生蠲疾涵虛抱景氣象澄鮮滌慮延歡棲神育靈觀此可得其槩矣唐進士新及第者往往汎舟遊宴于此文宗時曲江宮殿廢十之九帝因誦杜甫哀江頭之詩慨然有意後升平故

事太和九年發左右神策軍三千人疏濬修紫雲樓彩霞亭仍勅諸司有力建亭館者官給閒地任營造焉今遺址尙多存者江水雖涸故道可因若自甫張村引黃渠水經鮑陂以注曲江則江景可復其舊不然疏其已塞之泉渟瀦歲月亦可觀矣樂遊原亦曰園在曲江之北卽秦宜春苑也漢宣帝起樂遊廟因以爲名在唐京城內每歲晦日上巳重九士女咸此登賞祓禊樂遊之南曲江之北新昌坊有青龍寺北枕高原前對南山爲登眺之絕勝賈島所謂行坐見

南山是也

出寺涉黃渠上杏園望芙蓉園西行過杜祁公家廟

張注曰杏園與慈恩寺南北相直唐新進士多遊宴於此芙蓉園在曲江之西南隋離宮也與杏園皆秦宜春下苑之地園內有池謂之芙蓉池唐之南苑也杜祁公家廟咸通八年建石室尙存俗曰杜相公讀書堂其石室曰藏書龕○續注曰石室奉安神主之室也

出啓夏門覽南郊百神靈星三壇

張注曰啓夏門唐皇城之南門也北當皇城之安上門少西蓋京城之南凡三門中曰明德門今謂之五門西曰安化門今謂之三門此其東門也三壇在門外西南二里百神靈星二壇頗毀而圓丘特完南一里有蓮花村未詳其所以名也○續注曰少西北有唐贈戶部尙書楊貞公廟碑晉公李林甫撰文王曾書王敬從題額次東南有唐相國令狐氏廟碑太和三年劉禹錫撰并書陳錫篆額楊氏苗裔太和閒尙盛人呼爲廟坡楊辛卯遷移後無聞焉

次杜光村

張注曰杜光村有義善寺俗謂之杜光寺貞觀十九年建蓋杜順禪師所生之地順解華嚴經著法界觀居華嚴寺證圓寂今肉身華嚴寺

東南歷仇家莊

張注曰莊卽唐宦官仇士良別業也士良死籍沒其家後晉錫晉昌軍節度使安彥威安氏子孫世守之士良墓碑俱存其南爲郭子儀墓西南長孫無忌之墓碑皆斷仆○續注曰撫定後府南趙里皓陽觀

主李可貞喬志朴相過語余觀西北有二大碑云是郭氏墓碑他日往觀其一壽州刺史郭敬之神道碑敬之字敬之子儀父也以子儀貴贈太保徐國公碑額御題韓國公苗晉卿撰序蕭華書其一郭氏所尙昇平公主墓碑書撰姓名失傳

過高望西南行至蕭灌墓讀碑

張注曰灌嵩之父也碑乃明皇題額張說爲文梁升卿書嵩墓別葬張曲

由趙村訪章敬寺基經撥川王論弓仁墓

張注曰五代周太子太師致仕皇甫元莊在趙村建隆二年置墓在村東碑在其莊內章敬寺長安志曰在通化門外本魚朝恩莊也後爲章敬皇后立寺故以爲名殿宇總四千一百三十間分四十八院以曲江亭館華清宮觀風樓百司行廨及將相沒官宅舍給其用今此基不甚侈且與志所載地里不同豈四十八院之一耶論弓仁者吐蕃普贊之族也世相普贊戎言爲宰相爲論因以爲氏聖歷三年以所統吐渾七千帳降唐累有戰功死贈撥川王葬趙村張說

爲碑今已毀仆字無存者獨其題額在焉

下勲蔭坡入牛頭寺登長老文公禪堂夜宿寺之南軒張注曰勲蔭坡今牛頭寺之坡也寺卽牛頭山第一祖徧照禪師之居也貞元十一年建內有徐士龍所撰碑太平興國中改寺曰福昌元豐癸亥長老道文自南方來居于寺之北堂其南軒爲延客之所今有朱公揆題壁

己酉謁龍堂循清明渠而西至皇子坡徘徊久之張注曰龍堂在牛頭寺之西寺故有龍泉塔院此堂

卽其地也泉北有塔俗稱龍堂坡地甚平行中多植杏謂之杏花坪見杜詡勝遊錄清明渠隋開皇初引況水西北流屈而東流入城當大安坊南街又東流至安樂坊入京城今其渠自朱坡東南分沈水穿杜牧之九曲池循坡而西經牛頭寺下穿韓符莊西過韋曲至渠北村西北流入京城皇子坡又在龍堂之西秦葬皇子於坡底起家於坡北原上因以名坡隋文帝改永安坡唐復舊

覽韓鄭郊居至韋曲扣堯夫門上逍遙公讀書臺尋所謂何將軍山林而不可見因思唐人之居城南者往往舊蹟湮沒無所考求豈勝遺恨哉

張注曰韓店卽韓昌黎城南雜題及送子符讀書之地今爲里人楊氏所有鑿洞架閣引泉爲池穿地得大鳴起信論碑之上篇鄭谷莊在坡之西今爲里人李氏所有韋曲在韓鄭莊之北堯夫進士韋師錫之字也世爲韋曲人遠祖夔後周時居此蕭然自適與族人處元及安定梁曠爲放逸之友時人慕其閒素號爲逍遙公明帝貽之詩曰香動秋蘭佩風飄蓮葉

衣北史有傳今其讀書臺

立逍遙谷則在驪

山西南蓋亦慕雙而名之也杜甫何將軍山林詩有不識南塘路今知第五橋又曰憶過楊柳渚走馬定昆池今第五橋在韋曲之西與沈家橋相近定昆池在韋曲之北楊柳渚今不可考南塘按許渾詩云背嶺枕南塘其亦在韋曲之左右乎嘗讀唐人詩集岑嘉州有杜陵別業終南別業而石鼈谷高冠谷皆有其居郎士元有吳村別業段覺有杜村閒居元微之亦有終南別業蕭氏有蘭陵里梁升卿有安定莊今

皆湮沒漫不可尋蓋不特何將軍山林而已

晚抵申店李氏園亭夜宿祁子虛書舍

張注曰中店夾滴水之兩溪李氏名之邵字公材嘗爲進士祁子虛名徹李舍人壻也園之東有閣曰祕春北有小軒曰明月

庚戌子虛邀飲韋氏會景堂及門主人出迓明微以爲不足子虛道其景且誦其詩明微聞之始入其奧

張注曰韋氏名宗禮字中伯世爲下杜人蓋唐相之裔家失其譜不知爲何房城南諸韋聚處韋曲宜其

屬系系易知然或東眷或西眷或逍遙公或鄭公或南陂公或龍門公不知其實何房也中伯博學好古葺治園亭奇花異卉中莫不有日與賓客宴遊朝奉郎白序題其堂曰會景中伯圃中有對金竹其狀與對青相似長安有此竹者惟處士蘇季明張思道與中伯三家而已

復相率濟滴水陟神禾原西望香積寺塔原下有樊川御宿之水交流謂之交水西合於灃北入于渭

張注曰長安志曰滴水今名泥水一作坑水自南山

流至皇子陂今滴水不至皇子陂由瓜州村附神禾塹上穿申店而原愈高鑿原而通深至八九十尺俗謂之坑河是也瓜洲村之東北原上滴水北岸上尙有川流故道西北過張王村之東又西北經內家橋又西北經下杜城過沈家橋杜城之西有丈八溝卽杜子美陪諸公子納涼遇雨之地滴水上原西北流而合御宿川水是名交水在香積寺之西南香積寺唐永隆二年建中多石象塔磚中裂院中荒涼人鮮遊者

下原訪劉希古過瓜洲村

張注曰劉希古名舜才爲進士不第退居申店滴水之陰瓜洲村俗以爲牧之種瓜之地予讀許渾集有和淮南相公重遊瓜村別業詩淮南相公杜佑也佑三子師損式方從郁牧之從郁子也由此考之在佑已有瓜洲別業則非牧之種瓜也明矣今村南原上有瓜洲墓豈始有瓜洲人居此而名之耶亦猶長安縣有高麗曲因高麗人居之而名也

復涉滴水遊范公五居

張注曰范公莊本唐岐國杜公佑郊居也門人權德輿爲之記纂叙幽勝極其形容舊史稱佑城南樊川有桂林亭卉木幽邃佑日與公卿宴集其閒元和七年佑以太保致仕居此式方傳又云杜城有別墅亭館林池爲城南之最牧之之賦亦曰予之思歸兮走杜陵之西道若曲泉深地平木老隴雲秦樹風高霜早周臺漢園斜陽衰草其地有九曲池池西有玉鉤亭許渾詩所謂九曲池西望月來池蹟尙存亭則不可考也又其地有七葉樹每朶七葉因以爲名羅隱

詩所謂夏窗七葉連簷暗是也以是求之其景可知矣此莊向爲杜氏所有後歸尙書郎胡拱辰熙甯中侍御史范巽之買此莊于胡故俗謂之御史莊中有溪柳巖軒江閣圃堂林館故又謂之五居東上朱坡憩華巖寺下瞰終南之勝霧巖玉案圭峰紫閣粲在目前不待足履而盡也

張注曰朱坡在御史莊東華巖寺西牧之朱坡三絕句極言其景華巖寺貞觀中造寺之北原下瞰終南可盡其勝岑參詩所謂寺南幾千峰峰翠青可掬是

也終南一名大乙一名地肺關中記曰終南太乙左右三百里內爲福地柳宗元碑曰據天之中在都之南西至於褒斜又西至于隴首以臨于戎東至于商顏又東至于太華以距于關秦末四皓隱于其閒後因立廟唐文宗詔建終南山祠冊爲廣惠公主圭峰紫閣在祠之西圭峰下有草堂寺唐僧宗密所居因號圭峰禪師紫閣之陰卽漢陂杜甫詩曰紫閣峰陰入漢陂是也太乙在祠之東霧巖玉案附麗而列二峰之閒有冰井經暑不消長安歲不藏冰夏則取冰于

學海類編 卷之三
遊覽
此紫閣之東有高觀峪岑參作高冠蔣之奇作高官
未知孰是

已而子虛希古開樽三門寺僧子齊出詩凡數百篇皆
詠寺焉予賞蘇子美詩明微吟唐僧子蘭詩疏鍾搖雨
脚積雨浸雲容之句及讀相國陳公悔把吾廬寄杜城
之言則又知華巖之爲勝也酒闌過東閣閣以華巖有
所蔽而登覽勝之真如塔在焉謂之東閣以西有華巖
寺故也今爲草堂別院

張注曰長安志曰真如塔在華巖寺今其塔在東閣

法堂之北壁閒二石記皆唐刻也且載華巖寺始末
則華巖東閣本一寺也不知其後何以隸草堂焉
下閣至澄襟院院引北巖泉水架竹落庭注石盆中瑩
徹可挹使人不覺頓忘俗意時子虛希古先歸院之東
元醫之居也予與明微宿焉

張注曰澄襟院唐左術僧錄徧覺大師智慧之塔院
也碑云起塔于萬年縣神禾鄉孫村今屬鴻固鄉元
醫世爲樊川人其居北倚高坡泉聲泠泠竹陰相接
圃中植花穴洞巖閒架閣池上茂林修竹與之隱映

真有幽勝之趣○續注曰澄襟院水久涸今爲長老濱巨源衣鉢院莊則金興定辛巳閒尙爲元氏之居遷徙後遂無聞焉近代李構卽莊建閣鑿洞立三清像遂呼爲三清閣兵後高竇老奉披雲真人爲十方院門人樊忠高盡有元莊典刑雖在盛事則廢辛亥歷廢延興寺過夏侯村王白二莊林泉

張注曰延興寺在楊萬坡斷碑遺址瓦礫徧地興廢之由無可考今爲里人劉氏所有竹木森蔚泉流清淺景勝元醫之居但不葺治耳駙馬都尉王銑林泉

在延興寺之東與朝奉郎白序爲鄰王氏林泉久不治白字聖均莊有揮金堂順年堂疑夢室醉吟菴翠屏閣寒泉亭辛夷亭桂岳亭今爲王員外家所有東次杜曲前瞻杜固盤桓移時

張注曰唐史稱杜正倫與城南諸杜素遠求通譜不許銜之世傳杜固有王氣諸杜居之衣冠世美及正倫執政建言鑿杜固通水以利人旣鑿川流如血閱十日方止自是南杜稍不顯居杜固者謂之南杜以北有杜曲故也杜固今謂之杜坡所鑿之處崖塹尙

存俗曰馬塠厓或曰鳳阜嘴不知何謂也杜氏世葬少陵原司馬村之西南杜甫嘗稱杜曲諸生少陵野老正謂杜曲少陵相近故也甫爲晉征南將軍預之後預元孫某隨宋武帝南遷遂爲襄陽人甫曾祖某爲鞏令又徙河南宋孫洙爲甫傳以牧之爲甫族孫蓋同出于預也是甫乃城南諸杜之裔耳然唐宰相世系不載不知何故俟再考之

越姜保至興教寺上玉峰軒南望龍池廢寺

張注曰興教寺總章二年建有三藏元奘慈恩西明

三塔寺倚北岡南對玉案峰元豐中知京兆龍圖李公登眺于斯命僧創軒是名玉峰擢萬年令陳正舉爲之記龍池寺直玉案山之北○續注曰興教寺開成四年沙門令總載修三藏塔銘屯田郎中兼侍御史劉軻撰慈恩塔銘太子左庶子御史中丞李宏度撰西明塔銘貢士宋復撰三藏塔奩中差大右慈恩左西明差小殿宇法制精密莊嚴

過塔院抵韋趙覽牛相公樊鄉郊居

張注曰塔院者京兆開元寺福昌塔之莊也俗謂之

塔院修竹喬林森結參天池臺廢基頗多不知在唐
爲誰氏業俗傳國初狂人李炎居之炎誅沒官後福
昌塔成賜之爲常住韋趙邨有牛相僧孺郊居子孫
尙有存者僧孺八世祖某隋封奇章公長安城南下
杜樊鄉有賜田數頃書千卷僧孺居之依以爲學後
爲相與李德裕相惡門生故吏各相爲黨先是汎陟
相德裕宅爲玉盃僧孺宅爲金杯且云金毀可作他
器玉毀不復用矣其言果驗然唐史傳方技者不載
其事其亦闕文矣乎

迺登少陵原西過司馬村穿三像院尋舊路暮歸孫君
中復之廬

張注曰長安志云少陵原南接中南山北直澆水本
爲鳳棲原漢許后葬少陵在司馬村之東因卽其地
呼少陵原杜牧之自志云葬少陵司馬村柳宗元志
伯姚墓曰葬萬年之少陵原實鳳棲原也原脈起自
南山曲屈西北岡阜相連纍纍不斷凡五十里然則
鳳栖少陵其實一本因地異名耳漢總謂之洪固原
今萬年縣有洪固鄉司馬村今在長安城之東南少

陵在村之東北則澆水在東非在北矣少陵東接豐梁原或作鳳涼原澆水出焉東北對白鹿原荆谷水出焉二水合流入渭杜甫詩所謂登高素澆原是也少陵之東岡下卽澆水之西岸其地有泉舊傳有犢跑鳴而泉出今謂之鳴犢鎮三像寺開元中建背倚北原高數百尺始寺依原刻三大佛故名又云開元末爲武惠妃建武氏墓在鳳棲原長興坊與寺亦相近中復田家子今爲進士

壬子渡潏水而南上原觀乾湫憩塗山寺望翠微百塔子虛約遊五臺而與僕夫負行李者相失遂飲于御宿川之三渠醉還申店幾夜半矣

張注曰乾湫在神禾原皇甫村之東舊傳有龍移去南山炭谷原之湫水遂涸故謂之乾湫炭谷之水遂著靈異歷代崇爲太乙湫或曰炭谷本太乙谷土人語急連呼之耳○續注曰塗山寺在皇甫村神禾原之東南舊傳皇甫村有三社曰鸞駕埤鳳皇臺及廢栖真觀翠微寺在終南山上本太和宮武德八年建貞觀十年廢廿年太宗厭禁內煩熱命將作大匠閻

立本再葺改爲翠華宮元和元年廢爲翠微寺杜甫
詩雲薄翠微寺杜則元和之前固已謂之寺矣百塔
在梗梓谷口唐信行禪師塔院今謂之興教院唐裴
行儉妻庫狄氏嘗讀信行集錄及歿遷窆於終南山
鷗號堆信行塔之後由是異信行者往往歸葬于北
今小塔纍纍相比因謂之百塔塔東爲石鼈谷廣惠
神祠在焉西爲豹林谷种放隱居之地放居今爲女
冠所有蘇季明松門亦在其西而董村者翠微寺下
院也又在其西自董村西行幾十里曰豐德寺豐德

長老所居今其寺尤有僧焉南五臺者曰觀音曰靈
應曰文殊曰普賢曰現身皆山峰卓立故名五臺圓
光寺王建集爲靈應臺寺陸長源辯疑志爲慧光寺
韓偓集爲神光寺今謂之圓光寺五臺之北有畱村
數寺皆下院也御宿川按揚雄傳曰武帝開上林南
苑至宜春鼎湖昆吾傍南山而西至長楊五柞北繞
黃山瀕渭而東遊觀則止宿其中故曰御宿大抵樊
川御宿皆上林苑地也

癸丑詣張思道循原而東詣蓮花洞經裴相舊居越幽

學海類編 卷之三
遊覽
州莊上道安洞抵炭谷既行小雨而還復尋會景堂清
談終日

張注曰思道唐學士驚之後居滴水之陰好讀書善
屬文雅麗有祖風自思道之居東行五六里直樊川
之上倚神禾原有洞曰蓮花舊爲村人鄭氏之業鄭
氏遠祖乾曜尙明皇之女臨晉公主杜甫詩有宴鄭
駙馬洞中云主家陰洞細烟霧宜卽此地也自洞東
行三四里爲唐裴相國郊居林泉之勝亦樊川之亞
今爲鄱陽沈思之居又南行三里至幽州莊李氏林

亭李氏燕人也故以幽州名泉竹之盛過沈莊矣南
行四里至道安洞今爲尼院院中起小塔西倚高崖
東眺樊南之景舉目可盡又南行七八里至炭谷自
谷口穿雲渡水躡亂石冒懸崖行十餘里數峰聳削
蹬道之半有司馬溫公隸書二十八字曰登山有道
徐行則不困擇平穩之地而置足則不跌人莫不知
之鮮能慎谷前太乙觀有希夷先生所撰碑觀南爲
故處士雷簡夫隱居之地

甲寅北歸及內家橋子虛別焉予與明微自翠臺莊由

學海類編 卷之三
遊覽
天門街上畢原西望三會寺定昆池迤邐入明德門
張注曰內家橋今名也或曰雷家或曰能家皆姓也
橋之西又有沈家橋第五橋亦以姓名羅隱城南雜
感詩有賴家橋上潏河邊之句似當以能爲是翠臺
莊不知其所以莊之前有南北大路俗曰天門界北
直京城之明德門皇城之朱雀門宮城之承天門則
界當爲街俗呼之訛耳許渾有天門街望之詩可據
天門街當畢原之中長安志曰少陵原西入長安縣
界五里蓋畢原也志誤以爲少陵西望三會寺寺邊

有大家世傳爲周穆王陵北有池舊與昆明池相通
唐爲放生池有臺俗曰迦葉佛說法臺而傳記以爲
蒼頡造書臺景龍中中宗幸三會寺與羣臣賦詩上
官婕妤所謂釋子談經處軒臣刻字畱是也定昆池
安樂公主之西莊也在京城之延平門外景龍初命
司農卿趙履溫將作少監楊務廉爲園鑿沼延十數
里時號定昆中宗臨幸與羣臣賦詩
歷延祚光行道德永達四坊之地至崇業坊覽元都觀
之遺基過岡論唐昌觀故事

學海類編 卷之二 遊覽
張注曰唐昌觀又曰唐興觀在安業坊元都觀北中
有玉蘂花元和中
有仙子來觀嚴休父元稹輩俱有
倡和

既而北行數里入含光門而歸焉實閏月十六也

張注曰城南之景有聞其名而失其地者有具其名
得其地而不知其所以者有見於近世而未著于前
代者若牛頭寺碑陰記永清公主莊長安志載沙城
鎮薛據南山別業羅隱雜感詩有景星觀姚家園葉
家林聞其名而失其地者也翠臺莊高望樓公主浮

圖溫國塔朱坡具其名得其地而不得其所以者也
楊舍人莊唯釋院神木少陵兩原三清觀塗山寺陳
氏昆仲報德廬劉翔集之濛溪劉子哀之樊谿五臺
僧墳院見於近世而未著于前代者故皆略之以俟
再考至於名蹟可據而暴于人之耳目者皆得以詳
書焉

遊城南記一卷爲宋人所作記城南之景甚備中承許少華先生手書之子得觀于張華原兄之家甚愛焉遂自錄一過後考他書始得著述者姓氏明徵姓陳西楚人茂中姓張名禮澗右人博學好奇有足多者斯記也屬詞考事詳事哉予言夫宋去唐未遠而風景池亭猶有存者今門坊之名亦漫不可考矣嗚呼滄桑易變陵谷難常後之遊者其將有取於斯文古稷齋小山道人康榕

... 故其... 之人... 故其... 之人...
 ... 故其... 之人... 故其... 之人...
 ... 故其... 之人... 故其... 之人...
 ... 故其... 之人... 故其... 之人...
 ... 故其... 之人... 故其... 之人...
 ... 故其... 之人... 故其... 之人...
 ... 故其... 之人... 故其... 之人...
 ... 故其... 之人... 故其... 之人...



中吳紀聞序

吾家自先殿院占籍中吳距今幾二百禩相傳已及雲
仍矣明之幼逮嘗事王父母聞講論鄉之先進所以誨
化當世者未嘗不注意高仰云少長從父黨游皆名人
魁士及又獲識典刑於親炙之久乃從事於進取虞庠
魯泮餘三十年同舍亦多文人行揭德振華咸有可紀
厥後世異事變利門名路之閒絕不復往由是聲迹益
晦陋瓜疇芋區不過老農相爾汝所與談笑者無復有
鴻儒矣竊嘗端居而念焉凡疇昔飫聞而厭見者往往

後輩所未喻今年九十有二西山之日已薄恐其說之無傳也口授小子昱俾抄其大端藏之篋笥不惟可以稽考往跡資助談柄其閒有裨王化關士風者頗多皆新舊圖經及夫地志所不載者鬼神夢中雜置其閒蓋効范忠文東齋紀事體談諧嘲謔亦錄而弗棄蓋效蘇文忠公志林體皆取其有戒于人耳昱新學小生屬意不倫措辭無法不可以爲書予意爲是不滿必得老於文者隳括之庶幾不爲拊掌之資而使後之人誦其所聞以代莊舄之吟爾淳熙元年中 和日宣教郎賜緋魚

袋致仕龔明之期頤堂書

中吳紀聞目錄

卷一

范文正公

許洞

丁陳范謝

辟疆園

鬪百草

陳君子

梅望俞與僧良玉詩

半夜鍾

白樂天

六經閣記

唐郎官

丁晉公

解額

紅蓮稻

陸宣公

太乙宮

孫百篇

紅梅閣

蘇子美

先高祖

趙霖水利

黃氏三夢

崑山編

皋橋詩

謝賓客

張子野吳江詩

春申君

蔣密學

丁晉公拜老郁先生

李璋

木蘭堂詩

林大卿買宅

富祕監

智積菩薩

楊惠之塑天王像

三江口

王運使減租

鬪鴨

卷二

姚氏三瑞堂

丁氏賢惠錄

張文定公知崑山

傳燈錄

曾大父

婁侯

滕章敏公

滄浪亭

范文正公復姓

鄭宣徽

五柳堂

林氏儒學之盛

中隱堂三老

國一禪師

葉少卿

二游詩

安定先生

蘇子美飲酒

張伯玉郎中

上方詩

陳龍圖使高麗

樂圃先生

海涌山

盧通議

閭門樓詩

隨緣居士

章守子用阜蓋

石點頭

軌革卦影

夢石天王像

改正洪範篇

范文正四子

林酒仙

章岷

鮑魚

徐都官九老會

卷三

葉道卿

觀風樓

三高亭

程光祿

晉公飯僧疏

蔡君謨題壁

郊正夫

陳君子父殿丞

鬱林石

謝希深

范文正還鄉

清遠道士詩

幽獨君詩

本禪師

吳王拜郊臺

范貫之

南翔寺

張敏叔

崑山夫子廟

孫子和

張翰

皮日休

橋名

賀方回

白公檜

癸甲先生

方子通

破山寺

甫里

有脚書廚

泰娘

南園詩

朱子奢

錢氏納土

白馬澗

禪月大師

卷四

太公避地處

范忠宣公

滕章敏公結客

思賢堂

顧學正

鄭希尹

學海類編
卷五
執爨詩

王元之畫像

隻蓮堂

慧感夫人

孫若虛滑稽

元少保

仲殊

如村

鄭毅夫吳江橋詩

張幾道挽詩

夜航船

范文正不取燒煉方

俗語

方子通詩誤入荆公集

盧發運

大雲翁

花客詩

中吳

祖姑教子登科

范祕丞

徐朝議

顏夫子

信義縣

李無悔

蟹

大本錢王後身

郊正夫失鶴詩

黃姑織女

孫積中

王主簿

著作王先生

卷五

唯室先生

姑蘇百題詩

范祕書

張子韶與周煥卿簡

蝦子和尙

郭家朱砂圓

陳了翁鱸鄉亭詩

起隱子

閻邱大夫

寶嚴院

洞庭山

方子通紅梅詩

范無外

綽堆

陸彥猷

翠微集

生老病死

郝子高

鄭應求

獄山

王學正

范文正為閻羅王

吳縣寇主簿詩

盤溝大聖

魏令則侍郎

圖經刊誤

草腰帶聽聲

壓雲軒詩

翟忠惠

白雲泉

譚三命

范文正祠

臞菴

蠡口

蛇化為劍

賈表之

易承天為能仁寺

章戶部

王教授祭學堂文

沈元叙滄浪亭詩

卷六

西樓詩

郭仲達

凌佛子

崑山學記

王唐公

顧景繁

慈受禪師

蔣侍郎不肯立坊名

孫郎中

潘悅之侍郎

南北章

余良弼占卦影

王彥光

狀元讖

四幡之助

樂菴

吳江祠

石湖

丁令威宅

周朝宗

蘇之繁雄冠於浙右

朱光祿

翟超

正訛

叔父記館中語

徐聖望

羊充食

蘇民三百年不識兵

之彝宅

紀異

朱氏盛衰

徐稚山

無菴

結帶巾

周妓下火文

諧謔

思韓記

徐氏安人詩

吳中水利書

中吳紀聞卷第一

宋 崑山龔明之希仲紀

范文正公

天聖五年范文正公居母喪上書宰執請擇郡守舉縣令斥游惰去冗僭遴選舉崇教養將材實邊備保直臣斥佞人使朝廷無過生靈無怨以杜奸雄凡萬餘言時王文正公會為相見而偉之服滿薦充館職由此為人主所知不次擢用慶歷三年九月拜參知政事上開天章閣訪以治道公條陳當世急務十條一曰明黜陟

學海類編 卷之六 遊覽
二曰抑僥倖三曰精貢舉四曰擇官長五曰均公田六曰厚農桑七曰修武備八曰覃恩信九曰重命令十曰減徭役上嘉納之一歲之間次第舉行無或遺者公初上宰相書即受知于王文正後陳十事即見聽于仁宗雖曰抱負奇偉不容不見於施設自非聖君賢相委曲信任之亦安能行其所學耶

許洞

許洞太子洗馬仲容之子

洗馬墳在城西

登咸平三年進士第

平生以文章自負所著詩篇甚多當世皆知其名歐陽

文忠公嘗稱其為俊逸之士所居惟植一竹以表特立

之操吳人至今稱之曰許洞門前一竿竹真廟祠汾陰

時洞為均州參軍在路獻文章令召試中書

予之族妹適洞之曾

孫見其家藏洞之敕牒三四紙

洞與潘閬錢易為友狂放不羈閬坐盧多遜黨亡命乃變姓名僧服入中條山洞密贈之詩曰潘逍遙平生才氣如天高倚天大笑無所懼天公嗔汝口叻叻罰教臨老頭補衲歸中條我願中條山神鎮長在驅雷叱電趕出這老怪

學海類編 卷之三
二 遊覽
丁陳范謝

錢武肅王鏐之子廣陵王元璩廣陵王之子威顯王文奉皆爲中吳軍節度使開府於蘇時有丁陳范謝四人者同在賓幕丁諱守節陳諱贊明范諱夢齡謝諱崇禮職中吳軍節度推官俱以長者稱守節者丞相謂之祖贊明者屯田之奇字虞卿之曾祖夢齡者參政仲淹之曾祖崇禮者太子賓客濤之父其子孫又皆登高科躋膺仕足見慶源深厚矣

辟疆園

吳中舊傳池館林木之勝惟辟疆園爲第一辟疆姓顧氏晉人見於題咏者甚眾李太白云柳深陶令宅竹暗辟疆園陸羽云辟疆舊林園怪石紛相向陸龜蒙云吳之辟疆園在昔勝槩敵皮日休云更葺園中景應爲顧辟疆近世如張伯玉亦云于公門館辟疆園放蕩襟懷水石閒今莫知其遺跡所在

鬪百草

吳王與西施嘗作鬪百草之戲故劉禹錫詩云若共吳王鬪百草不如應是欠西施

學海類編
三
遊覽
陳君子

陳之奇字虞卿鄉人以其有賢德故以君子稱之初登第爲鄱陽尉後爲丹徒泰興令李瑋尙秦國大長公主下國子監舉通經術有行義者爲教授遂以公充選未幾乞致仕遷太子中允時年未五十俄除平江軍節度掌書記復以爲教授詔裝錢促遣之力辭不赴公道德著于鄉雖閭巷小兒亦知愛敬有爭訟久不決者跨蹇驢至其家以大義感動之皆爲之革心自掛冠後閒居十八年熙甯初卒葬花山王岐公爲作志題之曰陳君

子墓銘始公之謝事也蔣堂侍郎語人曰舉天下皆知有富貴而虞卿獨以知止易眾人之心吾喜林下有人矣因爲賦詩曰寵秩拜春坊歸休識慮長掃門卑魏勃設醴謝元王一水葍鱸國羣山橘柚鄉喜君添老社煙駕尙徜徉張伯玉郎中亦贈之詩曰東吳王孫歸掛冠玉絲紅鱸滿雕盤狂吟但覺日月久醉舞不知天地寬小圃移花山客瘦夜窗搗藥橘童寒新書近日成多少且告先生旋借看

學海類編
中吳紀聞卷一
四
遊覽
梅聖俞與僧良玉詩

崑山慧聚寺僧良玉字蘊之僧行甚高旁通文史之學
又善書工琴棋因游京師梅聖俞見而喜之以姓名聞
于朝賜紫衣以其東歸也聖俞以詩送之日來衣茶褐
袍歸變椹色服扁舟洞庭去落日淞江宿水煙晦琴徽
山月上巖屋野童遙相迎風葉鳴橡櫺後潛遁故山專
以講經爲務號所居曰雨花堂

半夜鐘

唐張繼宿楓橋詩云月落鳥啼霜滿天江村漁火對愁
眠姑蘇城外寒山寺夜半鐘聲到客船昔人謂鐘聲無

半夜者詩話嘗辨之云姑蘇寺鐘多鳴于半夜予以其
說爲未盡姑蘇鐘唯承天寺至夜半則鳴其它皆五更

鐘也

此張繼詩王氏學林
新編誤以爲溫廷筠

白樂天

白樂天爲郡時嘗攜容滿蟬態等十妓夜游西武邱寺
嘗賦紀游詩其末云領郡時將久游山數幾何一年十
二度非少亦非多可見當時郡政多暇而吏議甚寬使
在今日必以罪去矣

六經閣記

姑蘇自景祐中范文正公典藩方請建學其後富郎中嚴維之又建六經閣張伯玉公達嘗爲郡從事遂命爲之記今但傳其篇首數句聞見錄又誤載其始末予家偶藏公達所著蓬萊集恐後人不復見全文也因具載之六經閣子史在焉不書尊經也吳郡州學始由高平范公經見之其後天章蔣公待制中書柳舍人史館昭文張陸二學士行郡事殿中丞李仲塗先生之猶子中臺柳兵曹今尙書富郎中十年更八政仁賢繼志學始大成而嚴公六經閣又建先時書籍草創未暇完葺廚

之後廡澤地汙晦日滋散脫觀者惻然非古人藏象魏拜六經之意至是富公始與吳邑長洲二大夫以學本之餘錢僦之市材直公堂之南臨泮池建層屋起夏六月乙酉止秋八月甲申凡旬有七浹計庸千有二百作楹十有六棟三架雷八楹三百八十有四二戶六牖梯衝窳稅圩塲陶甃稱是祈於久故爽而不痺酌於道故文而不華經南嚮史西嚮子集東嚮標之以油素揭之以油黃澤然區處如蛟龍之鱗麗如日月之在紀不可得而亂大抵天地之極致皇王之高道生人之紀律盡

在是矣古者聖賢之設教也知函夏之至廣生齒之至眾不可以頤解耳授故教之有方導之有源乃本庠序之風師儒之說始于邦達於鄉至于室莫不有學烜之以文物聳之以聲名先用警策其耳目然後清發其靈府故其習之也易其得之也深其教不肅而成不煩而治歐元元之入善域優而柔之使自得之萬世之後尊三王四代法者無他焉教化之本末馴善也然則觀是閣者知六經之在則知有聖人之道知有聖人之道則知有朝廷之化知有朝廷之化則嚮方之心日懋一日禮義之澤流於外絃歌之聲格於內其爲惡也無所從其爲善也有所歸雖不欲徙善遠罪納諸太和不可召康公之詩曰豈弟君子來游來歌子思之說云布在方策人存則政舉凡百君子由斯道治斯民暢皇極序彝倫者舍此而安適得無盡心焉諸儒謂伯玉嘗從事此州游學滋久宜刊樂石庶幾永永無忽

唐郎官題名

唐郎官題名碑承平時在學舍中堂之後已漸剝缺兵火後不復存矣序文乃張長史楷書長史以草聖得名

未嘗作楷書世尤愛之題名之人雖不一亦盡得古筆法唐世崇尚字學用此以取人凡書皆可觀今所傳止序文爾長史蘇人故立碑於此

丁晉公

祖守節吳越中
吳軍節度推官

公諱謂字謂之家世於冀其祖仕錢氏遂爲吳人公少負才名先祖叔端公在鼎州日公嘗贅文求見因贈之詩曰膽怯何由戴鐵冠祇緣昭代獎孤寒曲肱未遂違前志直指無聞是曠官三署每傳朝客說五溪閒凭郡樓看祝君早得文場雋况值天階正舞干淳化三年公

登進士科名在第四與孫何俱有聲當時王黃州有詩云三百年來文不振直從韓柳到孫丁如今便合教修史二子文章似六經祥符中爲參知政事上問唐酒價幾何公曰每斗三百按杜甫詩速宜相就飲一斗恰有三百青銅錢又侍宴賞花釣魚公詩云鸞驚鳳輦穿花去魚畏龍顏上釣遲上賞詠再三羣臣皆以爲不及天禧中拜相仁宗卽位進司徒兼侍中後爲章聖山陵使擅移陵域貶將仕郎崖州司戶參軍公自遷謫日賦一詩號知命集後因奏表敘策立之功有云雖遷陵之罪

大念立主之功多因徙雷州移道州復祕書監光州居住貶竄十五年鬚髮無斑白者人皆服其量臨終半月不食焚香危坐誦佛書以沈香煎湯時呷而已至光州謝執政啓有云三十年門館從游不無事契一萬里風波往復盡出生成在海上對客問天下州郡孰大客曰唯京師公曰朝廷宰相只作崖州司戶則崖州爲大眾皆大笑歸葬華山所居在大郎橋號晉公坊堂宇甚古有層閣數閒臨其後予嘗至其第與公之孫德隅游德爲善篆亦工于四六

解額

姑蘇自祥符閒定制秋舉以四人爲額慶歷中就舉者止二百人范貫之龍圖嘗作送錢正叔赴舉序已言四人之額視他藩爲最寡熙甯元豐閒應舉者漸多增爲六人三舍旣行罷去科舉法歲貢四人舍法罷乃合三年之數爲十二人紹興丙子又增流寓一名今終場者幾二千人其額又不勝其窄矣

紅蓮稻

紅蓮稻從古有之陸魯望別墅懷居詩云遙爲晚花吟

白菊近炊香稻識紅蓮至今以此爲佳種

陸宣公

唐書云陸贄蘇州嘉興人按武德中蘇州所管七縣而嘉興本號長水縣改爲由拳又改爲嘉禾吳赤烏中方易今名也

太一宮

太平興國六年方士言五福太一在吳越分太一天之貴神也行度所至之國民受其福故今蘇州建太一宮後以地遠不便于禱祀遂于京城蘇村建之今天慶觀

乃其舊址鄉人尙有以宮巷宮前稱者

孫百篇

吳士孫發嘗舉百篇科故皮日休贈以詩云百篇宮體喧金屋一日官銜下玉除陸龜蒙亦有云直應天授與詩情百咏惟消一日成其見推于當時如此此科不知創于何代國初亦無定制惟求應者卽命試太平興國五年有趙昌國願試此科帝御殿出四句詩爲題詩云松風雪月天花竹鶴雲煙詩酒春池雨山僧道柳泉每題五篇篇四韻至晚僅成數十首方欲激勸後學特賜

學海類編
及第仍詔今後應此科者約此題爲式

蘇子美

蘇舜欽字子美易簡參政之孫慷慨有大志工爲古文
聲名與歐陽公相上下天聖七年玉清昭應宮災子美
以太廟齋郎詣登聞上疏謂天以此垂戒願陛下恭默
內省語甚切直時年方二十登景祐元年進士第俄有
詔戒越職言事者子美又上書極論其不可慶歷四年
授大理評事集賢校理監進奏院當時用事者以子美
乃范文正所薦而杜正獻之壻也因鬻故紙會客事誣

奏之遂除名勒停嘉祐初韓魏公爲請於朝追復元官
卒年四十一山谷先生嘗有觀祕閣蘇子美題壁詩曲
盡其平生大節真蹟藏江玉山家今集中不載故見之
於此仁祖康四海本朝盛文章蘇郎如虎豹孤嘯翰墨
場風流映海岱俊鋒不可當學書窺法窟當代見崔張
銀鉤刻琬炎蠶尾迴縑緗擢登羣玉府高閣日生光春
風吹曉雨禁直夢滄浪人聲市朝遠簾影花竹涼秋荷
滿筆硯怨句挾風霜不甘老天祿誠欲升未央小臣膽
如斗侏儒捧一囊請提師十萬奉辭問犬羊歸鞶飲月

學海類編
支伏背笞中行人事喜乖忤南遷得夜航此時調玉燭
日行中道黃柄臣似牛李傾奪謀未臧薄酒圍邯鄲老
龜禍枯桑兼官百郡邸報賽用歲常招延青雲士共醉
椒糝觴俗客避白眼徵歌舞紅裳謗書動宸極牢戶繫
桁楊一網收冠蓋九衢人走藏庖丁提刀立滿意無四
旁論罪等饕餮囚衣禦方良姑蘇麋鹿曠風月有書堂
永無湔拔期山鬼共幽篁萬戶封侯骨今成狐兔岡邇
來四十年我亦校書郎雄文終膾炙妙墨見垣牆高山
仰豪氣崢嶸乃不亡張侯開詩卷詞章尙軒昂草書十

餘紙雨漏古屋廊誠知千里馬不服萬乘箱遂令駕鼓
車此豈用其長事往飛鳥過九原色莽蒼敢告大鈞手

才難幸扶將子泌字進之任湖北運使

朱殿院之女適參政公之子宿

宿乃耆之弟子子美爲叔父

紅梅閣

吳感字應之以文章知名天聖二年省試爲第一又中
天聖九年書判拔萃科仕至殿中丞居小市橋有侍姬
曰紅梅因以名其閣嘗作折紅梅詞曰喜輕漸初泮微
和漸入芳郊時節春消息夜來陡覺紅梅數枝爭發玉

學海類編
溪仙館不是箇尋常標格化工別與一種風情似勻點
胭脂染成香雪重吟細閱比繁杏天桃品流真別只愁
共彩雲易散冷落謝池風月憑誰向說三弄處龍吟休
咽大家畱取倚闌干聞有花堪折勸君須折其詞傳播
人口春日羣宴必使人歌之吳死其閣爲林少卿所得
兵火前尙存子純字晦叔文行亦高鄉人呼爲吳先生

楊元素本事集誤以爲蔣堂侍郎有小鬟號紅梅其殿丞作此詞贈之

先高祖

先高祖諱識給事中諱慎儀之子登端拱元年第大中

祥符閒用翰林學士李宗諤薦擢監察御史屬眞宗東
封護蹕還都遷殿中侍御史兼左巡使時年四十有二
本朝承襲唐制御史不專言職至是始擇學術醇正操
履端方可以紀綱朝廷者俾入臺言事得之至難故被
選者實爲不世之榮先高祖任職逾年遽抱目疾累表
乞退遂除檢校司封郎官平江軍節度副使

先高祖登第時金花帖子尙存其制用塗金黃紙大
書姓名下有兩知舉花押仍用白紙作一大帖貯之
亦題姓名於上近吳南英於周參政處模寫王扶盛

學海類編 卷一
京二帖子名士題跋甚眾皆以爲今世所罕見者予
因歸而視其所藏適與王扶同此一榜規模無毫髮
不相似但多白紙爲護爾今所謂榜帖者蓋起於此
趙霖水利

政和六年莊徽侍制爲郡守中使以金字牌奉御筆云
訪聞平江府三十六浦內自古置閘隨潮啓閉泄放水
勢歲久堙塞遂致積年爲患今差本府戶曹趙霖躬親
具逐浦相度經久利害繪圖赴尙書省指說旣被旨因
徧歷諸縣遂得其利害霖意不過三說一開治港浦二

置閘啓閉三築圩裏田遂條析其事合成一書奏之後
略施行霖所建明與郊正夫差異霖專主置閘之說正
夫則屬意於開縱浦橫塘使水趨於江而已竊謂二公
之論與今日又不同往時所在多積水故所治之法如
此今所以有水旱之患者其弊在于圍田由此水不得
停蓄旱不得流注民間遂有無窮之害舍此不治而欲
興水利難矣

黃氏三夢

建甯黃氏乃名族也因游宦遂徙居於吳黃氏有三子

皆勤於學問其父忽夢捷夫持榜貼報黃顏者遂以名其長子已而果第久之其夢如初乃拆偏旁名仲子以彥彥復掇高科後數年其夢亦如初黃甚怪之又以顏名其季頡既第顏卽死矣

崑山編

唐人劉綺莊爲崑山尉研窮今古緝帙所積甚富嘗分類應用事注釋於下如六帖之狀號崑山編今其書尙存

皋橋詩

皋橋者漢皋伯通所居之地梁鴻娶孟光同至吳居伯通廡下爲人舂役後伯通察而異之乃舍之於家皮日休嘗賦詩云皋橋依舊綠楊中間里猶生隱士風惟我到來居上館不知何道勝梁鴻陸龜蒙詩云橫絕春流架斷虹凭闌猶想五噫風今來未必非梁孟卻是無人繼伯通

謝賓客

公諱濤字濟之其先三世仕吳越公幼而奇敏嘗講學於陽山澄照寺之西廡時王翰林禹偁宰長洲羅拾遺

學海類編
處納宰吳縣皆器重之自此名顯於時登淳化三年第
知益州華陽縣通判壽州知興國軍真宗卽位銳意任
人一日中出朝士姓名有治狀者凡二十四人付中書
門下令驛召至闕公在選中命知曹州有兇人趙諫者
交權勢結豪俠務乘人之弊以告訐公奏之朝廷斬於
都市乃下詔凡民非干己事無得告言遂著於令爲兩
川安撫還除三司度支判官出守海陵新安二郡俄召
試直史館出爲兩浙轉運使還判司農寺兼侍御史知
雜事知越州任滿拜太常少卿判登聞檢院又得請權

西京留司御史臺就拜祕書監遂分司洛下朝廷嘉其
恬退遷太子賓客其子旣入臺閣迎侍於京師景祐元
年卒年七十五贈禮部尙書子絳女適梅堯臣聖俞孫
景初景溫公始以文學中進士上第而子孫世踐其科
又父子更直館殿出處僅二十餘年皆衣冠之盛事公
分務洛下悉屏去外累於筆硯歌詩素所耽嗜亦不復
爲曰佚我以老也數年閒惟日看舊史一篇以代賓話
一日因假寐夢中作讀史一絕云百年奇特幾張紙千
古英雄一窖塵惟有炳然周孔教至今仁義洽生民越

學海類編 卷一
一夕捐館范文正公爲紀其事

張子野吳江詩

張子野宰吳江日嘗賦詩云春後銀魚霜下鱸遠人曾到合思吳欲圖江色不上筆靜覓鳥聲深在蘆落日未昏聞市散青天都淨見山孤橋南水漲虹垂影清夜澄光合太湖爲當時之絕唱

春申君

姑蘇城隍廟神乃春申君也按史記春申君初相楚後請封於江東考烈王許之因城故吳墟以爲都邑吳地

志亦云春申君嘗造蛇門以禦越軍其廟食於此也固

宜

越絕書云吳伐楚封春申君於吳其說又似不同要當以史記之言爲正

蔣密學

蔣堂字希魯嘗兩守此郡後旣謝事因家焉自號曰遂翁所居曰靈芝坊作園曰隱圃隱圃之內如巖扃水月菴煙蘿亭風篁亭香巖峰皆極登臨之勝公喜賓客日爲宴會時以詩篇爲樂范貫之龍圖嘗賦詩云勇退人難事明公識慮長波濤濟舟楫霜雪見松篁林下開前圃花閒撤亞槍二疏良宴會老杜好篇章道向清來勝

機於靜處忘當除印如斗試一較閒忙

丁晉公拜老郁先生

祥符中丁晉公自參知政事拜平江軍節度使知昇州時建節鉞者出入必陳其儀度既還本鎮鄉人爲之改

觀公在童龀時嘗從老郁先生學

先生居光盪巷師孟之父戶部師淳之伯

父子嘗從師孟之學

至是首入陋巷詣先生之居以兩朱衣掖之

拜於其下先生惶懼大聲呼曰拜殺老夫矣既坐話舊極款密且云小年狹劣荷先生教誨痛加榎楚使某得成立者皆先生之賜也先生愈不自安不教月果卒公

遣吏爲辦棺斂葬埋之物甚厚吳人至今以爲美談

李璋

李璋

忘其字

居盤門內爲人不羈王荆公甚愛其才嘗有

送行詩云湖海聲名二十年尙隨鄉試已華顛卻歸甫里無三徑擬傍胥山就一廛朱轂風塵休悵望青鞋雲水且畱連故人見面如相問爲道方尋木雁篇又有公下第詩云浩蕩宮門白日開君王高拱試羣才學如吾子何憂失命屬天公不可猜意氣未宜輕感慨文章尤忌數悲哀男兒獨患無名爾將相誰云有種哉由此聲

學海類編
卷之三
遊覽
譽益著後以特恩補官孫益字彥中擢高科歷監察御史居常熟

公素好譏諛有一故相遠派在吳中嘗於游嬉之地書其壁曰大丞相再從妹某嘗游公因題其傍曰混元皇帝三十七代孫李璋繼至嘗赴特奏恩語同試者曰廷唱日必不以名見呼止稱某排第耳眾皆不以爲然厚與之約已而進狀云因在京師有遠族相遇譜系亦有以璋名者欲以玖易之它日殿下果唱李玖蓋公排第九也

木蘭堂詩

木蘭堂多爲太守遊燕之地范文正公作守時嘗賦詩云堂上列歌鍾多慚不如古卻羨木蘭花曾見霓裳舞白樂天在蘇嘗教倡人爲此舞也

堂之前後皆植木蘭榦極高大兵火後不存

林大卿買宅

州民有宅一區多出變怪無有售之者林顏大卿獨求買之既徙入中夜據廳事獨坐以示其不恐忽見一白衣婦人縱其所如俄至一處所潛伏不見詰朝使人穿

其地得銀百餘錠其上皆鐫一林字此無異尉遲敬德事也

富祕監

富祕監嚴丞相忠文公之叔父也登大中祥符四年第慶歷中以刑部郎中守鄉郡嘉祐中守祕書監致仕退居于家未嘗一造府治終年無毫髮干請士大夫皆賢之皇朝類苑嘗載其事卒贈司徒葬寶華山有子臨娶先都官之女祕監與都官聘書今尚存飽學能文終池陽守鈞洵及元衡擢進士第皆祕監公之曾孫也

智積菩薩

靈巖寺乃智積開山之地智積當東晉末自西土來勸立伽藍泗州僧伽持鉢江南至常之無錫聞智積在蘇卽回曰彼處已有人矣由此名遂顯有一貧嫗慕其行嘗持角黍爲獻智積受之嫗因得度至今上巳日號智積誕日聚數十百嫗爲角黍會

三江口

淞江之側有小聚落名三江口酈善長云淞江自湖東北逕七十里至江水分流謂之三江口吳越春秋云范

學海類編 卷一
三
齋去越乘舟出三江之口入五湖之中皆謂此也三江
卽禹貢所指者

楊惠之塑天王像

慧聚寺有毗沙門天王像形模如生乃唐楊惠之所作
惠之初學畫見吳道子藝甚高遂更爲塑工亦能名天
下徐稚山侍郎以此像得塑中三昧嘗紀其事謂其傍
二侍女尤佳且戒後人不可妄加塗飾近爲一俗工修
治遂失初意

王贄運使減租

初錢氏國除而田稅尙仍其舊畝稅三斗浙人苦之太
宗乃遣王贄爲轉運使轉運衙舊在姑蘇州治之西偏均西浙雜稅贄
悉令畝稅一斗使還大臣有責其增減賦額者贄謂畝
稅一斗天下之通法兩浙旣已爲王民豈可復徇僞國
之制上從其說浙人至今便之

鬪鴨

陸魯望有鬪鴨一欄頗極馴養一旦驛使過焉挾彈斃
其尤者魯望曰此鴨善人言見欲附蘇州上進使者奈
何斃之使者盡以囊中金以窒其口使徐問人語之狀

魯望曰能自呼其名爾使人憤且笑拂袖上馬復召之
還其金曰吾戲耳

